

如空刹土爾如刹佛亦然如佛法亦爾如法
供養然一切皆無量十方無邊刹敬禮諸如
來入般若甚深體性三摩地現大月輪量同
法界光明普照寂然清涼悲愍有情三界熾
然如一子想未度者度未安者安未涅槃者
令得涅槃種種加持法門有大殊勝功德

結集正教住持遺法儀六卷



右尊者羅睺羅記沙門道宣譯初序結集儀
式二序天人偈頌三序結集付囑相篇大迦
葉問阿難答諸經首尾當安何語八部列衆
先後次叙分布舍利牙印爪髮衣鉢杖錫坐
具金瓶付囑安布置何處住持遺法利樂衆
生過去諸佛傳付法衣剃刀經函寶塔等斷
著毛羽衣斷用寶鉢斷食肉等二十九緣

食施獲五福報經

施餓鬼食經

金剛壽命陀羅尼經

右三經與開元錄經本同

道九

十九末

瑜伽金剛頂注釋字母品

右略解一切法不生名義性相等皆不可得

大藏聖教法寶標目卷第九

上師三寶加持之德

皇帝太子福修之恩管主八里年發心印施漢本河西字大藏經十餘萬卷諸
經像佛圖等西蕃字三千餘件變外近平江路磧沙英聖寺大藏經板未施
中統鈔貳佰定及募緣牌未及年已滿千有餘卷再發心於大都弘寧
取本密經律論數百餘卷施財舍佰定仍募緣於杭州路利離云續續天下藏
經悉本圖前集於
功德面向
西方導師阿彌陀佛觀音勢至海眾菩薩祝延
皇帝萬歲太子諸王福壽千春 佛日增輝法輪常轉者
大德十年丙午臘月 宣長松江府僧錄廣福大師 管夫 謹題

大藏聖教法寶標目卷第十

宋朝新譯

莊嚴寶王經四卷

千

右佛說觀自在菩薩救阿毗地獄極苦衆生
及餓鬼等諸趣罪苦六字神呪不可思議功德
聖吉祥持世經

道十

右佛為妙月長者貧窮多病說陀羅尼

七佛讚

右讚七佛并慈氏功德皆梵文

大乘聖無量壽王經

右佛因妙吉祥菩薩說無量壽決定光明王
如來陀羅尼令天壽人而得長壽

聖佛母小字般若經

右佛為觀自在菩薩說陀羅尼令眾生速獲
菩提無諸魔難

最勝佛頂陀羅尼經

右陀羅尼前後別無經文
無能勝幡王如來莊嚴陀羅尼經

右佛因帝釋與阿脩羅戰敗說陀羅尼一切

冤敵無能勝者

佛說守護大千國土經三卷

右佛說大明王呪保護大千國土及釋梵天

王等說呪保護眾生

大方廣持寶光明經五卷

右如華嚴十住品發心功德品同本而此加詳

出生一切如來經二卷

右佛告金剛手祕密主持大教明王經法

大乘日子王所問經

兵

右佛因日子王婬恚為說女人虛誑及丈夫
婬欲四過一遠離佛法僧二不孝父母三恒

多邪見四種種虛誑廣求財利

大乘善見變化文殊問法經

右佛為文殊說四聖諦四念處四正勤五根

五力七覺分八正見

金耀童子經

右佛為童子受記及說夙因

大寒林聖難拏陀羅尼經

右佛為羅睺羅遊寒林為天魔龍鬼及異類

擾惱說陀羅尼

分別善惡報應經

右佛為輸迦長者父作大說六道善惡眾業
受報差別及飲酒三十六過及種種行施果報

蓮十

二

樓閣正法甘露鼓經

右阿難問佛作曼拏羅牽堵波如來像較量功德

較量壽命經

右佛說較量六道壽命長短

大護明陀羅尼經

右佛說陀羅尼遣阿難陀入吠舍離城作成就法退散一切眾生災難疾疫

聖虛空藏菩薩陀羅尼經

右佛在喜樂山二比丘為部多所執身有疾病虛空藏菩薩請問佛集七佛及虛空藏各說明呪除病去災延壽命法

消除一切閃電隨求如意陀羅尼經

右佛及觀自在金剛手大梵四天王各說呪除閃電中天一切毒

息除中天陀羅尼經

右佛為四天王集十方諸佛說陀羅尼息除中天及老病四天王亦各說呪

無能勝大明王陀羅尼經

右佛說陀羅尼為人天作諸利樂一切障礙及鬼神暴惡無能破壞

讚法界頌

右龍樹菩薩讚法界妙理并六根六度等法十地及佛地等法

卷十

三

諸行有為經

右佛為諸苾芻說一切人天聖人外道等皆歸死滅

嗟嘆曩法天子受三歸獲免惡道經

右帝釋為天子受一歸命終生觀史多天佛頂放無垢光明經二卷

右為摩尼藏無垢天子命將終說陀羅尼能救中天及惡道業蛇螫疾病兵戈怖畏能求子息

最上燈明如來陀羅尼經

右最上燈明如來遣菩薩來說陀羅尼擁護利益安樂有情佛與文殊等并四天王亦說

陀羅尼增長有情佛力息除災難

一切如來正法祕密篋印心陀羅尼經

右佛受無垢妙光婆羅門請中路有大舊塔

如來旋繞供養塔中諸佛全身舍利并陀羅

尼能滅惡業除惡鬼毒獸究竟佛果

六道伽陀經

右佛說偈讚述六道受生因報

勝軍化世百喻伽陀經

右化人為善戒惡悟世無常

妙法聖念處經八卷

右佛為說六道苦樂因果與正法念處經略

法集要頌經四卷

高

右尊者法救集諸經法頌凡三十三品皆頌

法集名數經

右略集佛法世法名數

卅

沙彌十戒儀則經

右七十二頌說沙彌

菩提行經四卷

右龍樹菩薩集諸經法為頌凡四卷

聖觀自在一百八名經

右佛在補陀山觀自在宮宣說百八名文皆

真言

讚揚聖德多羅菩薩一百八名經

右說觀自在一百八名真言持者如意消災

準

卅

增福

持世陀羅尼經

右佛因持世菩薩問說陀羅尼并壇印法求

富貴及耕種等諸願

十二因緣祥瑞經二卷

右佛為大眾說用十二因緣配十二支位占

人命及選日占相以定吉凶

迦葉問大寶積正法經五卷

右佛為迦葉說菩薩正法

卅

諸佛心印陀羅尼經

右佛在兜率天說此陀羅尼利益天人世出

世財豐足非人不害不生魔界

無能勝大明陀羅尼經

右無能勝菩薩說能降伏魔及人非人邪法
毒藥等及消除災障

無能勝大明心陀羅尼

右無能勝菩薩說成就吉祥消除重罪除病
延壽無中天及除非人懷惡并邪法呪詛諸難

金剛計論

右法稱菩薩造破圍陀論妄執稱婆羅門種
性行業最高等

外道問聖大乘法無我義經

右外道疑無我義佛為解說體本空故
目連所問經

右目連問佛犯戒所入地獄比諸天歲數差別

芟芻迦尸迦十法經

右佛為比丘說十種法戒為在會及未來而
為師範

芟芻五法經

右佛說芟芻五戒法

道十

五

正

毗俱胝菩薩一百八名經

右佛說菩薩一百八名真言成就吉祥增壽
端正及得天龍鬼神恭敬一切惡獸枷鎖災
難自然解脫

多羅菩薩一百八名經

右多羅菩薩說大陀羅尼自在天王說一百

八名呪作大救護消除過罪煩惱解脫所願
成滿

大方廣菩薩藏文殊根本儀軌經二十卷 冠

右佛在淨光天上與文殊共說真言及粉壇
畫燈上中下儀軌成就所願及念珠法并星
宿災變凶吉及真言慎法等

大自在天因地經

倍

右目連持鉢至崑崙山頂大自在天子所居
歸問佛說大自在天因地所願

大乘寶月童子問經

右童子問十方佛名號佛為宣說聞者滅罪
不墮惡道速得不退菩提

佛為娑伽羅龍王說大乘法經

右佛在龍宮為說大乘經以十善等法而為

莊嚴及說十不善果報等事

十號經

右阿難問佛十號義佛為解說

一切如來安像三昧儀軌經

右佛說塑畫彫造諸賢聖像慶讚儀軌真言等法

廣大蓮華莊嚴曼拏羅滅一切罪陀羅尼經

右梵壽王入寺供戴佛頂華鬘頭疼佛令觀

自在說真言及慎法持誦法所有破用常住

財物一切過罪悉皆除滅及說無憂皇后嫉

違十

六

妬果報事

如意摩尼陀羅尼經

右佛及梵王帝釋四王龍王各說真言除雷

電怖畏及一切諸毒中天惡病不祥

大金剛香陀羅尼經

右佛說此大明呪能降伏諸天宿曜

觀想佛母般若波羅蜜多菩薩經

右佛說真言并觀想菩薩法

寶生陀羅尼經

右持頌者得天耳通滅無間罪永斷輪迴無

諸侵害及無病苦

蓮華眼陀羅尼經

右持頌者滅罪無眼等五根病獲眼等五種

清淨

大金剛妙高山樓閣陀羅尼

右前後別無經文

普賢陀羅尼經

右持者能枯竭煩惱值遇諸佛成就一切智

寶藏神大明曼拏羅儀軌經二卷

右佛說真言印法等持者得財寶及聰明等

聖寶藏神儀軌經二卷

右佛說真言印等儀軌持者得財寶人所愛

重乃至成佛

妙臂菩薩所問經四卷

違十

七

右妙臂菩薩問金剛手菩薩有人持誦真言
清淨精勤而不成就金剛手為說持誦法及
成就不成就之事

大摩里支菩薩經七卷

華

右佛說摩里支菩薩名號陀羅尼并壇等法
持者所求皆遂在處常得擁護一切災難皆
不能侵

一切如來微妙大曼拏羅經五卷

右佛在忉利天金剛手菩薩請問讚儀奉獻
各有幾種賢瓶及灌頂法當云何作云何名
曼拏羅及觀自在問息災增益愛敬等作護
摩法佛為一說之及呪印等并說造塔功德

聖莊嚴陀羅尼經二卷

右佛因羅睺羅童子夜卧為羅刹驚怖說陀
羅尼并為未來而為擁護慈氏菩薩等并釋
梵四王諸天龍藥叉等各說擁護真言

聖無能勝金剛陀羅尼經

右佛在妙高峯法會有天龍夜叉等為大力

聖者降伏而來唱言怖畏佛勅金剛手說安
慰陀羅尼

千轉大明陀羅尼經

右帝釋天王對佛自說此陀羅尼能除一切
鬼神惱害及病毒軍眾水火惡獸惡夢等畏
勝幡瓔珞陀羅尼經

右佛為觀音等說此陀羅尼能滅重罪現世
獲報

獲報

智光滅一切業障經

右佛為日月天子說佛菩薩名號及陀羅尼
滅一切無間重罪普賢菩薩亦說陀羅尼
華積樓閣陀羅尼經

右師子遊戲菩薩問佛涅槃後供養舍利塔
等所得福報佛說此經

賢聖集伽陀一百頌

右明布施及奉佛像廟等果報事

最上意陀羅尼經

右佛說妙吉祥往昔作比丘說此陀羅尼消
遣十

除衆生一切災病等

普賢曼拏羅經

右佛說金剛界大曼拏羅法陀羅尼及金剛

一百八名今相應法速得成就

持明藏八大摠持王經

右佛說陀羅尼息災增益改惡爲善及伏冤

一切所求成就

聖六字大明王陀羅尼經

右佛說陀羅尼一切恐怖鬼神刀兵不能爲害

尊勝大明王經

右佛說陀羅尼消除罪業冤家惡鬼不能爲害

聖大摠持王經

右佛說陀羅尼懺罪除病一切刀兵不能爲

害及通宿命

如意寶摠持王經

右妙住菩薩問善男子受持章句云何不得

見佛世尊說此人心住有爲無善巧智

摩訶帝經十三卷

右佛因衆問令目捷連說釋種過去所生種

姓并述佛出家成道度人事與本行集經所

載同

月光菩薩經

經

右佛爲比丘述舍利弗目捷連不忍見佛圓

寂先入滅度夙生因緣

薄十

九

金光童子經

右佛爲釋種金光童子說及叙過去造像植

福事

布施經

右佛爲比丘說三十七種布施差別及爲舍

衛國王說布施事

捷稚梵讚

右讚皆梵文

毗婆尸佛經二卷

右說毗婆尸佛爲大子出家成佛度人說戒等

長者施報經

右佛爲給孤獨長者說較量布施功德

解憂經

右佛說生死輪迴勸令求斷生死

聖曜母陀羅尼經

右佛處星曜眾會因金剛手菩薩請問說陀

羅尼延壽消除災害及一切毒

大三摩若心經

右佛於眾會降伏魔等令住聲聞乘

七佛經

右佛為比丘說七佛壽命父母弟子城邑名

佛一百八名讚

右釋迦佛一百八名并讚

毗沙門天王經

右毗沙門天王白佛一切鬼神等有不信佛

惱亂曠野林間苾芻優婆塞等說此真言以

為救護

聖觀自在菩薩梵讚

右讚八篇皆梵文

文殊師利一百八名梵讚

右讚十九篇皆梵文

五十頌聖般若波羅蜜

右佛因須菩提說般若聚集攝受一切善法

聖最勝陀羅尼經

右文殊師利為比丘說陀羅尼消除國界眾

生疫病旱澇等

連十

十

佛說諸佛經

右與將字函大自在天因地經同本異譯

聖六字增壽大明陀羅尼經

右佛因阿難有大疾病說此陀羅尼消滅一

切疾病驚怖

增慧陀羅尼經

右大慧菩薩為童子相菩薩說陀羅尼誦者

增益智慧明記不忘

徧照般若波羅蜜經

右佛為金剛手說般若祕密字義門并二十

五種祕密般若字義門持者增益功德達宿

命智

大乘戒經

右佛說戒為最勝不可犯

帝釋般若波羅蜜多心經

右佛說甚深般若波羅蜜多十八空等義

聖多羅菩薩梵讚

右讚皆梵文

大乘舍黎娑擔摩經

右佛因見舍黎娑擔摩說十二因緣法舍利

子請問慈氏復廣其說此經與傷字府字函

稻芋經本同而此尤詳

四無畏經

右佛為比丘說佛四無畏

一切如來說佛頂輪王一百八名讚

右讚一篇說佛一百八名

大乘無量壽莊嚴經三卷

右佛為阿難說無量壽佛本願及國土莊嚴

功德

佛母寶德藏般若波羅蜜經三卷

遵十

十一

右佛為四眾說般若伽陀三十品其品分十

波羅蜜等諸法義

薩鉢多野經

右佛說法無常劫盡七日並出火災燒器界

金剛手菩薩降伏一切部多大教王經三卷

右佛因金剛手菩薩說降伏一切部多成就

法金剛手說一切真言降伏印所求成就等法

一切如來烏瑟賦沙最勝摠持經

右阿彌陀佛為觀自在說陀羅尼及燈像護

摩等法持者延壽所求皆遂

最上大乘金剛大教寶王經二卷

教

右佛為印捺囉部帝王說四種乘及說風因

今金剛手菩薩為王說金剛大乘

菩提心觀釋

右釋發菩提心體功德如虛空無邊際

護國尊者所問大乘經四卷

右尊者問菩薩行法佛為廣說菩薩四法及

說福光太子修行成佛事

金剛香菩薩大明成就儀軌經三卷

右佛為金剛手菩薩說陀羅尼印曼拏羅法一切息災增益敬降伏等無不成就

八大菩薩經

右佛說八大菩薩名及諸大菩薩五如來名號持者不墮惡道及長壽天等常生佛刹成

無上道

妙吉祥菩薩所問大乘法螺經

右妙吉祥問如來法螺音佛為較量自持十善眾生至輪王帝釋梵天緣覺菩薩佛相好相倍功德分數

金剛薩埵說頻那夜迦天成儀軌經四卷

右金剛薩埵說此最上儀軌作種種成就利益息災增益敬愛調伏等造頻那夜迦天像作成就法

妙吉祥最勝根本大教王經三卷

右妙吉祥說真言持頌曼拏羅儀軌一切成就法

幻化網大瑜伽教十大忿怒明王大明觀儀軌經

右毗盧遮那佛說十明王觀想法真言所求成就

妙吉祥瑜伽大教金剛陪囉嚩輸觀想儀軌經
右金剛陪囉嚩輸說一切成就曼拏羅等法及一切調伏等所求皆得成就

難你計濕縛囉天說支輪經

右彼天說十二宮分生人吉凶及諸宿攝於三趣

囉嚩拏說救療小兒疾病經

右囉嚩拏說小兒自一歲至十二歲所得疾病各有鬼魅名字及真言救療法

較量一切佛刹功德經

右佛說較量諸佛刹土晝夜長短即是華嚴如來壽量品

大乘八大曼拏羅經

右佛為寶藏月光菩薩說作八大曼拏羅持誦八大菩薩根本心大明

連十

十三

迦葉僊人說醫女人經

右迦葉僊人說女人姪娠逐月安胎所服藥持明藏瑜伽大教尊那菩薩大明成就儀軌經四卷

右龍樹於持明藏略出世尊言修習諸成就法應於是教尊那菩薩大明法中修習及欲見菩薩阿羅漢一切所求真言印法曼拏那

慎像護摩等法

瑜伽大教王經五卷

右世尊大徧照金剛如來為金剛手菩薩說真言印法及護摩作息災增益愛敬降伏事大乘觀想曼拏羅淨諸惡趣經二卷

右佛說大曼拏羅法觀想字法真言呪法曼

拏羅護摩等法淨諸惡趣

一切佛攝相應大教王經觀自在菩薩念誦儀軌經

右觀自在觀想結界儀軌及慎法息災增益愛敬降伏皆得成就

俱枳羅陀羅尼經

右佛說此陀羅尼能除部多惡曜及一切瘡病

實誓陀羅尼經

右佛說陀羅尼消除一切災障作大利益能滅衆生極重罪業降伏一切天龍鬼神能除饑饉病疫毒藥及求財寶子息

妙色陀羅尼經

右佛說陀羅尼作大利益獲大福聚晝夜安

樂加持出生飲食以祭諸鬼

旃檀香身陀羅尼經

右佛說能消極重宿業獲殊勝果及得見觀自在菩薩及除惡瘡癬

鉢蘭那除疇哩大陀羅尼經

右佛說辟除惡魔及惡鬼神遠離災害除諸

疾疫

宿命智陀羅尼經

右佛說消滅千劫重罪終身受持能知宿命慈氏菩薩誓願陀羅尼經

右佛說解脫惡趣轉身受勝妙樂慈氏授菩

提記

滅除五逆罪大陀羅尼經

右佛說能滅五逆重罪如持千佛無異

無量功德陀羅尼經

右佛說滅千劫所積惡業得見慈氏觀音無

量壽佛

十八臂大陀羅尼經

右佛說消滅根本罪業積集無量功德

洛義陀羅尼經

右說受持如持洛義佛無異成大福聚滅無

量罪

辟除諸惡陀羅尼經

右佛說能除飛蝗毒虫蛟蝘虎狼饑饉

大愛陀羅尼經

右海神大愛對佛說陀羅尼持者解脫海難

妙吉祥菩薩陀羅尼

無量壽大智陀羅尼

宿命智陀羅尼

慈氏菩薩陀羅尼

虛空藏菩薩陀羅尼

右共一卷皆梵文

無畏陀羅尼經

右佛說受持讀誦陀羅尼者一切災難雷電

毒螫飢饉疾疫悉皆解脫

尊那經

蓮十

十五

右尊者尊那問佛世尊無盡功德可不佛

為說七種無盡功德

寶授菩薩菩提行經

右佛入廣嚴城乞食寶積童子與目捷連舍

利弗文殊論說妙法

阿羅漢具德經

右佛說聲聞弟子各具功德及比丘尼烏波

薩哥烏波薩吉各具功德

八大靈塔經

右佛說八大靈塔名號及處供養功德并戒

日王作靈塔梵讚又三身梵讚共一卷

佛三身讚

右并廻向讚共四首西域賢聖撰又曼殊室利菩薩吉祥伽陀梵文一首
不空三昧經七卷

右世尊毗盧遮那令金剛手菩薩說曼拏羅成就法頌呪印頓法一切所求皆得成就
大正句王經二卷

右尊者童子迦葉破正句王邪見無有來世復無有人亦無化生義
戒香經

右佛為阿難說戒香徧聞十方延壽妙門陀羅尼經

右佛為金剛手菩薩說陀羅尼持者延壽得

二十種功德金剛手及梵王四天王各說妙門陀羅尼

聖多羅菩薩經

右為五髻乾闥婆王說菩薩陀羅尼并一百

八名頌持者滅罪破魔增福所求皆遂

一切如來名號陀羅尼經

右觀自在菩薩對佛說諸佛名號并陀羅尼持者不墮惡道生天成佛
息除賊難陀羅尼經

右佛為阿難說陀羅尼息除賊難器仗悉不能侵
觀自在菩薩母陀羅尼經

右普賢菩薩對佛說此陀羅尼滅罪及見普賢觀自在無量壽佛多聞增長證宿命智得不退轉地

祕密八名陀羅尼經

右佛說金剛手祕密八名并陀羅尼持者不墮地獄生兜率天

大吉祥陀羅尼經

右佛為觀自在說大吉祥菩薩陀羅尼持者獲富貴功德不可具說乃至部多曾令愛敬

寶賢陀羅尼經

右寶賢大夜叉王說此陀羅尼持者所作勝利皆得成就金銀珍寶悉皆供給

法身經

右說法身化身功德差別

頻婆娑羅王經

右與眾等至佛所諸婆羅門長者等見耆舊

優樓頻螺迦葉侍佛有疑佛令迦葉現神變

自稱是佛弟子佛因為王等說法令得見諦

信解智力經

右佛說信解力法能證真實之理謂佛五力

十力唯佛能知非聲聞法

人僊經

右阿難問佛摩伽陀國頻婆娑羅王及諸優

婆塞生何處佛為說王作人僊及人僊所說

遵十

十七

梵法

信佛功德經

右舍利弗對佛稱說佛種種最勝法及神通力

善樂長者經

右善樂長者目疾佛為說陀羅尼除愈

舊城喻經

右佛說觀十二因緣如被昔人所被之甲到昔人涅槃之城借城為喻也

最上祕密那拏天經三卷

右那拏天對佛眾會說呪法一切所求皆得

成就

解夏經

右佛解夏日為舍利弗五百比丘說解夏法

夏中三業互相忍可

帝釋所問經

右帝釋問佛盡愛斷除疑惑佛為說法證果

決定義經

右佛為比丘說五蘊五取十八界至七覺支

八正道諸法名決定義

四品法門經

右佛為阿難說界處法緣起處非處法不了

為愚人了者為智人

護國經

右護國長者投佛出家證果為父母及俱盧

王說捨親出家法

大宋高僧傳三十卷

世祿侈

右僧贊寧等奉勅撰採貞觀已來高僧五百三十三人附見一百三十人為十科三十卷

法苑珠林一百卷

右釋道世撰始從劫量終乎雜記部類之前

各序別論令覽者就門隨部如提綱領焉

景德傳燈錄三十卷

右僧道原披弈世祖圖採諸方語錄次序源派錯綜詞句由七佛而至大法眼之嗣凡五十二世一千七百二人成三十卷上進

真宗御製命翰林學士楊億等刊削裁定周

歲成書永布寰海

天聖廣燈錄三十卷

右駙馬都尉李遵勗集傳燈錄後禪門宗師語句為三十卷

仁宗御製序勅隨大藏流布天下

建中靖國續燈錄三十卷

右法雲佛國禪師惟白集廣燈錄後八十年諸善知識一千七百餘人語句偈頌等列正宗對機拈古頌古偈頌五門為三十卷

大藏聖教法寶標目卷第十

平江路磧沙延聖寺大藏經局今依福州開元禪寺校定元本傳法正宗記一十二卷重新刊板流通祝延

聖壽萬安者其明教大師所上之書及入藏劄子

舊本皆在表尾今列於首庶期展卷備悉所從

延祐二年歲在乙卯五月 日住持傳法比丘清表題

約 正宗一 上

約一

皇帝書

十二月日杭州靈隱永安蘭若傳法沙門賜紫臣僧契嵩謹昧死上書

皇帝陛下臣聞事天者必因於山事地者必因於澤然其所因高深則其所事者易至也

若
陛下之崇高深明則與夫山澤相萬矣適人
有從事其道者舍
陛下而不即求之雖其渠渠終身絕世烏能
得其志耶抑又聞佛經曰我法悉已付囑乎
國王大臣者此正謂佛教損益弛張在

陛下之明聖矣如此則佛之徒以其法欲有
所云為豈宜不賴
陛下而自棄于草莽乎巨忝佛之徒實欲扶
持其法今者起巖穴不遠千里抱其書而趨
闕下願幸
陛下大賜以成就其志也臣嘗謂能仁氏之

垂教必以禪為其宗而佛為其祖祖者乃其
教之大範宗者乃其教之大統大統不明則
天下學佛者不得一其所詣大範不正則不
得質其所證夫古今三學輩競以其所學相
勝者蓋宗不明祖不正而為其患矣然非其
祖宗素不明不正也特後世為書者之悞傳

耳又後世之學佛者不能盡考經論而校正
之乃有束教者不信佛之微旨在乎言外語
禪者不諒佛之能詮遺乎教內始草書即云
見乎教內及為奏時迺改曰佛之能詮遺乎
教內意謂佛之善巧詮發此法之語存乎教
部之內先為李徒以始草者傳出遂與奏本
有異然此二說其義皆可用他本或云所詮
蓋見乎教內者雖一圓臚方服之屬而紛然

自相是非如此者古今何嘗稍息臣不自知
量平生竊欲推一其宗祖與天下學佛輩息
諍釋疑使百世而知其學有所統也山中嘗
力探大藏或經或傳校驗其所謂禪宗者推
正其所謂佛祖者其所見之書果謬雖古書
必斥之其所見之書果詳雖古書必取之又
其所出佛祖年世事迹之差訛者若傳燈錄
之類皆以眾家傳記與累代長曆校之修之
編成其書垂十餘萬言命曰傳法正宗記其
排布狀畫佛祖相承之像則曰傳法正宗定
祖圖其推會宗祖之本末者則曰傳法正宗
論摠十有二卷又以吳縑繪畫其所謂定祖

圖者一面在臣愚淺自謂吾佛垂教僅二千年其教被中國殆乎千歲禪宗傳于諸夏僅五百年而乃宗乃祖其事迹本末於此稍詳可傳以補先聖教法萬分之一耳適當

陛下以至道慈德治天下天地萬物和平安裕而佛老之教得以毗贊 大化

陛下又垂神禪悅彌入其道妙雖古之

帝王百代未有如

陛下窮理盡性之如此也是亦佛氏之徒際會遭遇

陛下萬世之一時也臣所以拳拳懇懇不避其僭越冒犯之誅輒以其書與圖偕

上進欲幸

陛下垂于大藏與經律皆傳臣螻蟻之生已及遲暮於世固無所待其區區但欲教法不微不昧而流播無窮人得資之而務道爲善臣雖死之日猶生之年也非敢僥倖欲忝陛下雨露之渥澤耳其所證據明文皆出乎

約一

三

大經大論最詳於所謂傳法正宗論與其定祖圖者儻

陛下天地垂察使其得與大賜願如景德傳燈錄玉英集例

詔降傳法院編錄入藏即臣死生之大幸耳抑亦天下教門之大幸也如

陛下睿斷允臣所請乞以其書十有二卷者

特降 中書施行其傳法正宗記與其定祖圖兼臣舊著輔教編印本者一部三冊其書

亦推會二教聖人之道同乎善世利人矣謹隨書 上進干黷

冕旒臣不任激切屏營之至誠惶誠恐謹言

知開封府王侍讀所奏劄子

臣今有杭州靈隱寺僧契嵩經臣陳狀稱禪門傳法祖宗未甚分明教門淺學各執傳記古今多有諍競因討論大藏經論備得禪門祖宗所出本末因刪繁撮要撰成傳法正宗記一十二卷并畫祖圖一面以正傳記謬誤

兼舊著輔教編印本一部三冊上

陛下書一封並不干求

恩澤乞臣繳進臣於釋教粗曾留心觀其筆削著述固非臆說頗亦精微

陛下萬機之暇深得法樂願賜

聖覽如有可採乞降付 中書看詳持與編

入大藏目錄取 進止

中書劄子許收入大藏

權知開封府王素奏杭州靈隱寺僧契嵩撰成傳法正宗記并畫圖乞編入大藏目錄取進止

右奉輔教編三冊 此是中書重批者蓋降劄子後數日又奉聖旨更與輔教摠入藏批此

聖旨正宗記一十二卷宜令傳法院於藏

經內收附劄付傳法院準此

嘉祐七年三月十七日 宰相押字

中書劄子不許辭讓師號

杭州靈隱永安蘭若賜紫沙門契嵩狀今月二十二日伏蒙

頒賜明教大師號

勅牒一道伏念契嵩比以本教宗祖不明法道衰微不自度量輒著傳法正宗記輔教編等

上進乞賜編入大藏惟欲扶持其教法今沐聖朝特有此旌賜不唯非其素望亦乃道德

虛薄實不勝任不敢當受其

黃牒一道隨狀繳納申

聞事

右

劄付左街僧錄司告示不許更辭讓準此

嘉祐七年四月五日 宰相押字

契嵩嘉祐之辛丑歲十二月六日以此正

宗記輔教編 進明年三月十七日

先皇帝賜入大藏使與經律借傳蓋留于

政府七十一日 丞相諸鉅公躬屈詳閱

佛教光賁雖振古未有如此者也契嵩佛

子輩豈不榮且幸宜何以報其

大賜還吳之三年吳郡人有曰曹仲言第

玘仲彝者樂聞其勝事乃募工于其州之萬壽禪院施財鏤板仰贊

國家之鴻休也傳法覺初守堅知一詳僧

善慧宗遇較治平改元甲辰四月十一日題

廣右藤之釋契嵩字仲靈少習儒業遊方入

吳著書于錢塘之西湖嘉祐間以所業傳法

正宗記定祖圖輔教編詣

闕以文贊見韓魏王歐陽文忠公王冀公當

時群巨公極可許之復表進

仁宗皇帝御覽至為道不為名為法不為身

之句嘉歎留禁中久之有

旨宣賜入大藏建炎間兵火散失逮紹興庚

辰秋福州太平寺正言長老因遊東山龍首

澗得正宗記十二卷仍以輔教編三冊增之

重新校勘謂開元解空明禪師曰吾家之嵩

輔教定惠操修冬夏唯一衲常坐不卧日止

一食夜頂戴觀音像行道誦菩薩號十萬聲

以為常宋之高僧北斗以南一人而已雖殫

竹帛不可紀其道行於是率諸禪同力刊板于福州開元寺大藏流傳利益無窮住壽山廣應禪寺嗣祖佛燈大師法珊跋

教忠崇報禪寺住持嗣祖比丘道印校正

嵩明教之在釋氏扶持正宗排斥異說辭而

闕之咸有援摺所謂障百川而東之廻狂瀾

於既倒者也諸老出力共廣此書皆混藉輩

用心也隨喜之緣有大於此者乎隆興甲申

十一月既望左奉議郎前提舉福建路市舶

晉安林之音書